

# S'Ufitziu limba sarda torrat a abèrrere

Si faghet ischire a sa populazione ca in su  
Comunu nostru at torradu a abèrrere s'isportellu  
linguisticu subra comunale.

S'Amministratzione comunale, cunforma a is  
normas europeas, natzionales e regionales chi  
pertocant s'amparu de is limbas de minoria, cun  
custu Isportellu de sa limba sarda punnat a:

- sighire una politica linguistica crara e profetosa,  
chi siat capassa de s'ispaniare su manigiu de sa  
limba sarda in totu is setores de sa vida pùblica  
de sa comunidade;

- pònnere, a manera ufiziale, sa limba sarda in  
totu is cuntostos de impreu, sena de  
s'iscarèssere s'Amministratzione Pùblica;

- traballare a manu de pare cun is Comunos,  
Entes territoriales, Iscolas e Assòtzios, pro chi is

interventos in agiudu a su sardu non  
siant ispimpinados o ocasionales, ma siant  
profetosos pro torrare a manigiare sa limba sarda  
in su iscriere e in su chistionare.

Comente a is àteros annos, s'Ufitziu limba sarda  
de Baressa est in su primu pianu de sa Domo  
Comunale e at a èssere a disponimentu de is

tzitadinos pro cale si siat chistione subra sa limba  
sarda (normativa, cossigios chi pertocant règulas  
de iscritura, furriaduras, consulèntzias didàticas e  
sighende a nàrrere). Custu servìtziu subra

comunale dd'at a sighire sa Sotz. Coop. L'Altra  
Cultura de Aristanis e tocat is biddas de Baressa,  
Crucuris, Abas, Pau, Ollasta, Bobadri e Sini.

*Novas Baressesas* at a bessire prus o mancu  
una borta a su mese e s'at pòdere retzire  
inderetura in domo, cun una e-mail: bastat a  
ddu pedire mandende una punta de billetu  
eletrònicu a s'indiritzu

[serviziocultura@comune.baressa.or.it](mailto:serviziocultura@comune.baressa.or.it)

iscriende su nùmene, su sambenadu e "bollo  
retzire *Novas baressesas*". In prus, s'at pòdere  
lègere puru in sa bacheca comunale o agatare  
in medas atividades cummertziales de sa  
bidda o in sa biblioteca comunale



**Comunu de Baressa**

Provintzia de Aristanis

Sa redatzione de *Novas Baressesas* est  
contivigiada dae su

Servìtziu linguisticu sardu sighidu dae sa Sotz.

Coop « L'Altra Cultura »

e dae s'Assessoradu a sa Cultura  
de su Comunu de Baressa.

*S'isportellu linguisticu est a disponimentu de  
tzitadinos, maistros de iscola, professores e  
istudentes pro cale si siat informatzione,  
profundamentu, duda e crosidade subra de sa  
limba sarda, pro consulèntzias didàticas e pro  
cossigios chi pertocant is règulas de iscritura  
de su sardu.*

**Su Servìtziu est abertu:**

DIE	ORÀRIU
Ònnia martis	08.00 – 12.30 12.10 – 17.00 A chida a chida



**Comunu de Baressa**

Provintzia de Aristanis

## ***Novas Baressesas***

☎ 0783-930049 Fax 0783-930118  
e-mail: [info@comune.baressa.or.it](mailto:info@comune.baressa.or.it)

Fògiu periòdicu de informatzione  
istitutzionale de su Comunu de Baressa

**Responsabilidade e proprietade de su  
Comunu de Baressa (or)**

**Annu IV, n. 3**

Agabbadu su 12 de austu 2014

## AVISU:

### SU COMUNU CIRCAT ARTESANOS PRO "TORRARE A ABERRERE IS BUTEGAS DE IS ARTES"



## **FESTA DE SA MÈNDULA**

*Sa de bintitres  
annadas*

**sàbadu 13 e  
dominigu 14 de  
cabudanni 2014**

Su Comunu de Baressa tenit sa punna de dare, cun incàrrigu de prestazione ocasionale, su servìtziu pro "torrare a aberrere is butegas de is artes" pro sa rapresentatzione de is mestieres a suta elencados, chi s'at a fàghere in is butegas artesianas de su tzentru istòricu, in su percursu in is bias de sa Sagra de sa mèndula 2014.

Is maistros de is Artes ant a èssere:

- "Su Maistru Ferrere";
- "S'iscarteddàiu", pro fàghere iscarteddos de canna, cadinòs e poinas..."

- Cussos chi traballaiant pro "Aprontare is ainas e is frunimentos (a piticu a piticu)".

S'Ammostru de is artes s'at a fàghere sàbadu 13 e dominigu 14 de cabudanni 2014.

Sa paga pro is collaboradores est istabilèssida in € 100,00 pro capite e pullida de sa ritènnida de acontu.

Sa voluntade de s'Amministrazione Comunale est a dare s'incàrrigu pro su servìtziu a artesianos residentes in su Comunu de Baressa, chi sunt a connòschèntzia de s'impreu e de is usàntzias de sa comunidade.

Chi nos ant a arribare prus domandas de cussas chi serbint s'at a tirare a billetos a intro de is partetzipantes residentes in su Comunu de Baressa.

Chi is domandas ant a èssere prus pagos de su bisòngiu, su servìtziu s'at a dare a artesianos non residentes chi presentint rechesta regolare

Is domandas si depent presentare a intro de is 13,00 de su 23 austu 2014, in su mòdulu fatu a posta chi si podit iscarrigare de su giassu internet de su Comunu o in is ufìtzios comunales e totu.

Su Comunu de Baressa tenit sa punna de dare su servìtziu de assistèntzia e cuntrollu in is ammostos, in sa domo museo, in sa domo rurale, in is butegas de is mestieres, in sa crèsia manna, in su museo de s'Arte Sacra e in su puntu de informatzione, aparitzados a posta pro sa XXIII annada de sa Sagra de sa Mèndula, in is dies 13 e 14 de cabudanni 2014, a n. 20 collaboradores, cun incàrrigu de prestazione ocasionale, fadende una seletzione pùblica. Podent pigare parte a custa seletzione is residèntes in su Comunu de Baressa, o parentes de residèntes, in possessu de is rechisitos chi s'ighent:

a) Edade cumpresa intro de 18 annos (fatos a intro de su 31 de austu de su 2014) e is 40 annos;

b) Diploma de s'iscola mèdia inferiore .

Si nos ant a arribare prus domandas de cussas chi serbint pro is bisòngios de s'Amministrazione s'at a tirare a billetos intro de is interessados de sa matessi famìllia. Is dimandas si depent presentare a s'ufìtziu protocollu de su Comune a intro de su 23 de austu 2014 a ora de is 13.00.